

928
七
4

誠齋集

四

春英慈人是本字如今說着尚心時萬事皆如

晚日幽窗更開一重窗

晨炊共煮野蔬湯更採鮮魚置一雙為厭未飽

可貴事無難道但欲知無

避雨堂元不

...



誠齋集卷第十三

詩

廬陵楊

万里

廷秀

西歸集

初離常州夜宿小井清曉放船

欄街父老不教行出得東門已一更一事新來偏
可意亭中聞打放船鉦

晨炊只糞野蔬湯更揀鮮魚買一雙病眼未能禁

曉日西窗莫閉也東窗

春早愁人是去年如今說着尚心酸篙師莫遣船

遲着見說蘇州好牡丹

雨中遠望惠山

準擬歸時到未遲歸時不到悔來時
惠山不識空歸去在與常州作住持
詩人也是可憐生不及穿雲渡水僧
不是惠山看不見只教遙見不教登

酌惠山泉瀹茶

錫作諸峯玉一消麩生堪釀茗堪煎
詩人浪語元無據却道人間第二泉
舟中雨望二首

雨裏船中只好眠不堪景物妬人閑
岸如玉案平鋪却釘餛飩真山作假山
船窗深閑懶看書獨倚船門然白鬚
雨共長河織青錦金錢暈上滴真珠

曉經潘葑

油窓着雨光不濕東風忽轉西風急
蓬聲蕭々河水溢牽船不行人却立
雨中蒿師風墮笠潘葑未到眼先入
岸柳垂頭向人揖一時喚入誠齋集

惠山雲開復合

二年常州不識山惠山一見關心顏
只嫌雨裏不

子細髣髴隔簾青玉髮天風忽吹白雲坼翡翠屏
開倚南極政緣一雨染山色未必雨前如此碧看
山未了雲復還雲與詩人偏作難我船自向蘇州
去白雲穩向山頭住

泊舟無錫雨止遂游惠山

天教老子不空回船泊山根雨頓開歸去江西人
問我也曾一到惠山來

出惠山遙望橫山

三日橫山反覆看慙慙送我惠山前常州更在橫
山外只望橫山已杳然

舟過望亭

常州盡處是望亭已離常州第四程柳線絆船知
不住却教飛絮送儂行

雨罷風回花柳晴忽然數點打窗聲遊蜂誤入船
窗裏飛去飛來恁是情

此去蘇州半日期歸心長是覺船遲一村樹暗知
何處兩岸草青無了時

將近許市望見虎丘

許市人家遠樹前虎丘山色夕陽邊石橋分水入
別港茅屋垂楊仍釣船

舟中晚酌

竹陵春酒絕清嚴，解割詩腸快似鎌。
雪藕蓬暄偏覺爽，鵝梨欲爛不勝甜。

一日寒暄自不同，繡簾下却護輕風。
楊花可是多情思，飛入船中落酒中。

泊船百花洲登姑蘇臺

二月盡頭三月初，繫船楊柳拂菰蒲。
姑蘇臺上斜陽裏，眼度靈巖到太湖。
客裏逢春了，不知牡丹剩買十來枝。
東風動地從渠惡，吹盡楊花無可吹。

舟中小雨

漢之輕寒粟曉膚，醅醱半落牡丹初。
顛風無賴難拘管，小雨多情爲破除。
半世光陰行路裏，一年春事客愁餘。
浙西尚遠江西在，何日章江買白魚。

從范至能參政游石湖精舍坐間

走筆

孤塔鷗邊迥，千巖鏡裏看。
折花倩人，柳摘葉護窻。
寒不是，無相識，相從却是難歸舟。
望精舍已在白雲端。

震澤分波入，垂虹隔水看。
何須小風起，生怕牡丹

寒政坐諸峯好端令落筆難催人理歸棹落日詩
無端

夜飲周同年權府家

老趁漁船泊館娃月明夜飲故人家春風吹酒不
肯醒嚼盡醪醖一架花

再登垂虹亭

紅塵不解送詩來身在煙波句自佳銀漢光中有
詩客玉虹背上曳芒鞋
宿醒作惱未惺鬆一對湖光酒病空身到吳中無
好處三年兩度上垂虹

長年三老不須催且據胡牀未擬回白晝驚人星
滿地日光碎處萬波來

已過吳江阻風上湖口

五日姑蘇一醉中看盡牡丹紅阻風只怕松江渡
過了松江却阻風

南風捲水入湖去落盡波痕不復回更被網船礙
歸舫一船一過盡船來

夜泊平望終夕不寐

船中新熟睡難成聽盡漁舟掠水聲不分兩窻々
外月如何不爲別人明

櫻桃湖裏月如霜，偏照征人寸斷腸。
醉裏不知家尚遠，夢回忽覺路初長。
一生行路便多愁，落得星星兩鬢秋。
數盡歸程到家了，此身猶未出蘇州。

小泊梅堰登明孝寺

泊船梅堰日微昇，一徑深々喚我登。
隨分垂楊兼老檜，備負野寺更殘僧。

湖州三里橋取道德清

浙西只欠到湖州，三里橋頭轉却舟。
不到湖州妨底事，不如元不到橋頭。

宿湖甫山

夜泊湖甫山，綠楊護危堤。
迅雷將殘雨，似猛竟復微。
曉月解風纜，熟睡初不知。
起來問宿處，千山翠相圍。
齊峯有剝謁，旭溪無停輝。
遠樹蘆外出，若與船爭馳。
多情東林塔，寸步不相離。
後送飲已遠，前迎復在茲。
不知塔意厚，爲復船行遲。
誰能仆此塔，庶不淹吾歸。
獨感夜來雨，政作朝涼資。

過雪川大溪

菰蒲際天青無邊，只堪蓮蕩不堪田。
中有一溪元不遠，摺作三百六十灣。
政如綠錦也衣上，玉龍盤

屈於其間前船未轉後船隔前灣望得到不得及
至前灣到得時只與後灣纔咫尺朝來已度數百
縈問知德清猶半程老夫乍喜擢夫問管有到時
君莫問

雪溪

道場山背是吳興只不教人到德清雪水相留別
無計却將溪曲暗添程

春盡舍舟餘杭雨後山行

前夕船中索簟眠今朝山下覺衣單春歸便肯平
七過浪做桐花一信寒

樹々低桑不要拚溪々新漲總平堤杜鵑知我歸
心急林外飛來頭上啼

新竹

東風弄巧補殘山一夜吹添玉數竿半脫錦衣猶
半着籜龍未信沒春寒

轎中絕句

雪洗林花頰金梭隴麥鬢捲簾雙眼遠隔樹一峯
尖

晨炊白昇山

俗傳葛仙翁於此
白日昇天故名

千峯爲我旋生妍我爲千峯一灑然雲掠石崖啼

鳥樹雨添山澗落花泉心知僮僕多飢色目斷茅
簷半總煙只道晨炊食無肉竹根竹荀兩三錢

晚憩富陽

苕溪到得富春灘度綠穿青半日間未出浙西心
已喜眼中初見浙東山

春餘客裏政無聊忽報潮頭雪樣高急喚清空竹
陵酒旋嘗梅子與櫻桃

富陽登舟待潮回文

山接江清江接天老人漁釣下前灘寒潮晚到風
無定船泊小灣春日殘

小舟晚興

藕蓬舊屋雨聲乾蘆葦新簷暖日眠枕底席邊俱
綠水脚根頭上兩青天

人在非晴非雨天船行不浪不風間坐來堪喜還
堪恨看得南山失北山

潮痕初落水猶肥雨點纔來已復微半濕岸沙危
欲落牽船稚子去如飛

一船在後忽攙前之後高師各繫然山入春來肥
更秀向人依舊聳寒肩

明發窄溪晚次嚴州

夕照落帆烏石灘朝來解纜窄溪邊篙師好語君
知否一日風行兩日船

過橫山塔下

六年三度過蘭溪總是殘春首夏時最感橫山
上塔迎人東去送人西

過金臺天氣頓熱

江雲山翠借朝涼晚日晴波挾暑光舊說長江無
六月暮春已自不禁當

日曬船篷四面炊幾時却得出船時江西未到何
須恨且到三衢也自奇

入到船中氣鬱蒸出來船外日侵陵綠波欲沸清
何在青蓋張來似不曾

是日舟中張青蓋亦不涼云

宿潭石步

三更無月天正黑電光一掣隨霹靂雨穿天心落
蓬脊急風橫吹斜更直踈篷穿漏濕床席波聲打
枕一紙漏夢中驚起眠不得攬衣危坐三嘆息行
路艱難非不歷平生不曾似今夕天公嚇客惡作
劇不相關白出不測收風拾雨猝無策如何乞得
東方白垂頭縮脚正偏仄忽然頭上復一滴

過安仁市得風挂帆

明發山溪一雨餘昨來暑氣半分無何人道是三
衢遠桂起東風十幅蒲
西望柯山正蔚藍衢州只在此山南却愁路盡風
猶剩回納清風與破帆

舟中戲題

花處青山柳處溪新來宿處舊曾炊到家失却行
程曆只檢西歸小集詩

上章戴灘

脫巾枕手仰哦詩醉上諸灘總不知回看他船上
灘苦方知它看我船時

三月二十七日送春絕句

只餘三日便清和儘放春歸莫恨他落盡千花飛
盡絮留春肯住欲如何

春盡感興

春事忽々掠眼過落花寂々奈愁何故人南北音
書少野渡東西芳草多苟借一風爭作竹鷺分數
子別成窠青燈白酒長亭夜不勝孤舟兀綠波

四月一日三衢阻雨

無朝無夕雨甌盆村北村南水接天斷却市橋君
莫笑前頭野渡更無船

小詩苦雨當雲牋寄似南風一問天
漏得銀河乾見底却將什麼作豐年

明發三衢

拔盡新秧插盡田出城一眼翠無邊
不關兩水愁行客政是年々兩水天
衝風破雨正愁人愁得心情沒半分
風颭吹來好消息諸峯放散夜來雲
雲欲開時又不開問天覓陣好風催
雨無多落泥偏滑溪不勝深岸故顏

柿秧歌

田夫拋秧田婦接小兒拔秧大兒插
笠是兜鍪蓑是甲兩從頭上濕到脚
喚渠朝餐歇半霎低頭折腰只不答
秧根未牢蔣未匝照管鵝兒與雛鴨

明發平坦市

花霏滋曉寒葉弄新野聽萬象宿雨
餘潔齋無欠淨霽曦耿欲吐遠峯忽
復暝林廬居者誰戶與碧山映薔薇
上木未不架得初性彼卧晏未興我
征漂靡定怡然懷吾廬花竹幽更盛
茲焉獨足羨自規不差勝顧江之西
心速路逾曼似聞前溪水盡還舊沙
徑

晨炊江山縣驛

聞道常山水壯哉問途何惜小紆回平生不到江山縣臨老須教作一來

過景星山山頂一石立又名突星山

山頭孤立玉玲瓏天上何年墮景星四面萬峯非不峻如何只是一峯青

江山道中蚕麥大熟

衢信中央兩盡頭蠶麩今歲十分收穗初黃後枝無綠不但麥秋桑亦秋黃雲割露幾肩歸紫玉炊香一飯肥却破麥田秧

晚稻未熟水枯卧斜暉

新晴戶戶有歡顏曬繭攤絲立地乾却遣綠車聲獨怨今年不及去年閑

午憩

嫩綠桐陰夾道遮爛紅野果壓枝斜日烘細草香無價况有三枝兩朶花
晴邊雨後麥秋時風色輕之日色微已隔深溪仍蘸水却教人折野薔薇

過鬢塘渡

雪浪無堅岸金沙有退痕斷橋猶半板敝樹欲枯

根爲問新來漲今年茅幾番昨來愁此渡已濟不堪論

江郎峯三石山在江山縣南三十五里
禮賢鎮望之極正里人又呼爲郎峯
走徧名山脚不停見渠令我眼偏明郎峯好處端
何似荀剝三竿紫水精

轎中望泛仙山

上却籃輿卷却簾曉寒旋索熟衣添孤松已自三千丈更在仙山第一尖
度小橋

危橋度中竿深溪動人心欲返業至此將進眩乍
臨已涉尚回顧溪水知幾深誰能大此橋以安往
來人

小憇二龍爭珠蓋兩長嶺夾一園峯

故名自此出官路入山路云

田路直復縈肩輿斜還正如何暗三日猶自滑一
徑缺岸有危踐方軫無穩輿不跌先獨驚稍坦深
自慶肯信坐者安不及行者病昨來九軌塗可思
不可更忽逢兩蒼虬爭此一照乘頗欲問故老雙
爭誰孤勝水聲亂人語一辭無真聽輕風泛袂疇

衆緣久未定崎嶇從此始辛苦何時竟

早炊楊家塘

枯樹藤爲葉遙峯石作髮如何每行路不勤自如
餐浙界殘零處江東咫尺間炊煙戀茅店飛出却
飛還

四月四日午初出浙東界入信州

永豐界

外面千峯合中間一徑通日光自搖水天靜本無
風村酒停春綠林花倦午紅莫欺山堠子和我入
江東

過蘇巖

仰望蒼巖高更深巖中佳處着禪林瓊泉萬仞峯
頭落一滴泉聲一醒心

松陰小憩

不但先生倦不蘇僕夫也自要人扶青松數了還
重數只是從前八九株

宿靈鷲禪寺

暑中帶汗入山中霜滿風篁雪滿松只是山寒清
到骨也無霜雪也無風
初疑夜雨忽朝晴乃是山泉終夜鳴流到前溪無

半語在山做得許多聲

初五日曉寒浙人謂之蚕寒蓋麥

秋寒也

歲々春寒欲去時麥牽蠶惹不教歸早知今曉猶
差冷未肯踈它舊袂衣

道傍小憇觀物化

蝴蝶新生未解飛鬚拳粉濕睡花枝後來借得風
光力不記如癡似醉時

山行

山行兩日厭荒涼田少山多多更長一望不曾虧

碧草半分何似惜青秧

晨炊玉田聞鷺觀鷺

曉寒顧影惜金衣著意聽時不肯啼飛入柳陰多
去處數聲只許落花知

清溪欲下影先翻隻鷺還將隻鷺看綠玉脰長聊
試淺素瓊裳冷不禁寒

過石磨嶺之皆創為田直至其頂

翠帶千環束翠巒青梯萬級搭青天長淮見說田
生棘此地都將嶺作田

將至永豐縣

清和天氣半陰晴
下轎攜筇取次行
不奈永豐山色好
雲窺霧看未分明

永豐驛逢故人趙伯庭過叔

同官顧水總青春
消息中間兩不聞
道我未衰君莫戲
不須看我只看君

出永豐縣西石橋上聞子規

花愁月恨只長啼
兩夕風晨不住飛
自出錦江歸未得
至今猶勸別人歸
怨笛哀箏揔不如
一聲徹九天
虛若逢雨夜如何
聽幸得花時莫管渠

入上饒畧道中野醜醜盛開

千朵齊開雪面皮
一芽初長紫蘭枝
一芽來歲還千朵
誰見開花似雪時
走上松梢繞却它
爲他滿挿一頭花
未論似得醜醜否
且是幽香野得些

愁冷水村道傍榴花初開

舊羅縵薄剪薰風
已自花明蒂亦同
不肯染時輕着色
却將密綠護深紅

晚雲釀雨

昨來一雨斷人行
恰則晴時雲又生
梅月如何休

得雨麥秋却是要它晴
只消舊雨已驚心莫遣新晴更作陰
路轉綠荷仍翠柳眼隨白鳥度青林

嘉定元年春三月男

長瑞

編定

端平元年夏五月門人羅

茂良

校正

誠齋集卷第十三終

誠齋集卷第十四

廬陵楊

万里

廷秀

詩

西歸集

詩情

只要凋詩不要名老來也後減詩情虛名滿世真
何用更把虛名賺後生

四月十三日度鄱陽湖

湖心一山曰廉郎山其狀如煙浮水上

泊舟番君湖風雨至夜半求濟敢自必苟安固所

願孤愁知無益暫忍復永歎夜久忽自睡倦極不
知且舟人呼我起順風不容緩半篙已湖心一葉
恰鏡面仰見雲衣開側視帆腹滿天如瑠璃鍾下
覆水晶梳波光金汁馮日影銀柱貫康山杯中蛭
蘆阜帆前慢豁然地無蒂渺若海不岸是身若虛
空御氣遊汗漫初憂觸危濤不意拾竒觀近歲六
暄涼此水三往返未涉每不寧旣濟輒復玩游倦
當自歸非爲猿鶴怨

已至湖尾望見西山

好風穩送五湖船萬頃銀濤半霎間已入江西猶

未覺忽然對面是西山

蘆荻中間一港深葦蒿如柱不成簪正愁半日無
村落遠有人家在樹林

千里都無半點山如何敢望有人煙不教遠樹遮
攔却蘆荻生來直到天

送鄉人余文明勸之以歸

一別高人又十年霜筋雪骨健依然席門未害車
多轍斗酒尚能詩百篇蒼狗白衣俱昨夢長庚孤
月自青天故山松菊平安在何日歸歟解釣船

送三季山王簿省覲樞府

六館名流王季山十年風雨短檠寒不曾文字鏡
羣子勉爲庭闈就一官伯也騰身紫極上叔兮着
眼白雲端會當再奏河東賦姓字從頭揭勝看

豫章光華館苦雨

阻水水不退苦雨雨不收天不遣人行我豈願此
留客間亦何娛勝踐或銷憂西山天下奇東湖塵
外幽駕言欲一往雨濕且復休懷哉滕玉閣咫尺
城南取舉武便可至登臨亦無由平陸幻成海高
屋隣失樓南浦水正長何時放歸舟

葉教授鎬乃翁致政一百三歲屢加封

仍錫朱銀取告命之詞名其堂曰介壽
蘭玉初攀桂朱銀降自天堂中有一老物外百三
年紫誥行充棟霜毛儘滿顛仁人元自壽端不羨

懼仙

秋蟲

蟬哀落日恰纔收蛩怨黃昏正未休催得世人頭
愬白不知替得二蟲愁

病中感秋時初喪壽佳子

臨曉睡偏重不知窻已明高梧下清露宿烏有寒
聲愁豈關鬢事秋來添雪莖病身仍哭子併作老

來情

秋熱

多難幽懷慘不舒
秋風殘暑掃難除
一生最怕西
窻日長是醅醱
架子踈
年々極暑與秋期
日々秋陽在暮時
我自愁吟無
意思
蟬聲移近入簷枝

夜坐

夜永留清坐
詩臞稱病容
溪鳴風颯竹
月濕露中
松喜事何曾
夢燈花詎殺
僕欲歸歸已
得歸得却
無悵

中秋病中不飲二首後一首用轆

轆體

去年兩浙浙西州
今夕南溪々上頭
滿着玻璃一
盆水洗開玉鏡
十分秋病來不飲
非無酒
老去追
驢揔是愁
自笑獨醒仍苦
詠枯腸雷轉不
禁搜
無風無雨併無雲
今歲中秋儘十分
畢竟冰輪誰
爲轉碾穿玉宇
不生痕
坐看兒輩紛然
飲也遣先
生半欲醺
自是清樽負明月
不關明月負清樽

中秋月長句

西山走下丹砂九
東山飛上黃金盤
徑從碧海昇

青天半濕尚帶波濤痕初漚淡々寒不動月華猶
輕桂華重黃羅團扇暗化紋蹙金突起雙龍鳳湏
史正面天中央銀鉦退盡向來黃乾坤銘入冰壺
裏萬象都無只有光平生愛月愛今夕古人與我
同此癖去年中秋天漆黑今年中秋月雪白先生
舊不論升斗近來畏病不飲酒月下醒眼搔白首
明年月似今宵否

秋雨初霽

松竹陰寒分外蒼芭蕉花濕夢中香抽身朱墨塵
埃裏入眼山林氣味長今日更無秋熱忒曉晴猶

帶雨餘涼却將白髮三千文綠作霜絲補錦囊

子上弟打贈木犀數枝走筆謝之

我家殊未有秋色君家先得秋消息西風夜入小
池塘木犀滿洩月中香一粒粟中香萬斛君看一
梢幾金粟門前雙桂更作門路人知是幽人屋數
枝寄我開愁眉欲狀黃香無好詩君到廣寒折一
枝香無兩般君自知

西齋舊無竹子歸自毗陵齋前忽有

竹滿庭蓋牆外之竹迸逸而生此也

喜而賦之

平生取友孤竹君，館之山庵與卜鄰。風衿月珮霜雪身，只談風節不論文。我開西齋對清潤，每嫌隔窗不相道。別來桃李一再花，我長在外君在家。歸來西齋掛窻處，此君忽在窻前住。繞牆檢校無來路，此君來路從何許。向來先生初出太，遺穰看牆鶴看戶。如何鶴睡眼未開，此君一夜過牆來。明朝穉子滿庭砌，豹文玉骨龍苗裔。春風吹墮錦衣裳，仰看青士冠。劍長先生豈惜窻前地，與君同醒復同醉。

病後覺衰

病著初無惱，安來始覺衰。人誰長健底，老有頽來時。山意淒寒日，秋光染瘦詩。小松能許劣，學我弄吟髭。

昨日訪子上，不遇裴同庭。砌觀木犀而歸，再以七言乞數枝。

昨攜兒輩扣雲關，繞遍巖花恣意看。苔砌落深金布地，水沉蒸透粟堆盤。寄詩北阮賒秋色，供我西窓當晚餐。小朶出叢須折却，莫教折破碧團圞。

芭蕉

骨相玲瓏透八腮，花頭倒挂紫荷香。繞身無數青

羅扇風不來時也不涼
蕭々洒々復亭亭々一半風流一半清不爲暑愔添
午蔭却來愁枕作秋聲
簷牙牕額兩三株只欠王維畫雪圖開卷不題元
字脚碧牕圍蠟有如無

拒霜花

木蕖何似水芙蓉同箇聲名各自都風露商量借
膏沐燕脂深淺入肌膚喚回春色秋光裏饒得紅
粧翠蓋無字曰拒霜渾不惡却愁霜重要人扶
不寐

老來只願酒難醒酒力纔醒夢便驚露滴新寒欺
病骨宦游如夢記平生深山五鼓雞吹角落月一
牕鴉打更等待曉光瑤好句曉光未白句先成
非關枕上愛哦詩聊復銷愁片子時老眼強眠終
不夢空腸暗響訖長飢翻來覆去體都痛乍暗忽
明燈爲誰只道晝長無那着夜長難奈不曾知
暗蟲夜啼不肯停直從黃昏啼到明不知計論底
事着爲復怨嗟誰子生至竟通宵千萬語真實只
是兩三聲唧々々復唧々々此外何言君試聽
初聞一犬兩犬聲次第遠近雞都鳴今夕明朝何

日了南村北巷幾人行忽思春雨宿茅店最苦僕
夫催本程是時懶起惜殘睡如今不眠愁獨醒
寄

寄題保諍庵

劉賢礪取司馬温公無爲贊
中語名其庵謝昌國記之治

心正保躬以靜
温公語也

涿泗九淵闕本珠没人下取龍怒鬚迂叟勃興章
甫徒刺手一探珠炯如正心保躬四顆餘一顆光
照千乘車良齋豎起塵拂子保靜居士一笑喜試
著此珠在波底波自拍天珠在水江南江北起秋
風庵前庵後吹霜松居士焚香於其中手揮五絃

送歸鴻

戲題常州草蟲枕屏

黃蜂作歌紫蝶舞蜻蜒蚱蟻如風雨先生畫眠紙
帳温無那此輩喧夢竟眼中了了華昏國蜂催蝶
喚到不得覺來忽見四摺屏野花紅白野草青勾
引飛蟲作許聲何緣先生睡不驚

子上持豫章畫扇其上牡丹三株黃白

相間盛開一貓將二子戲其旁

暄風暖景政春遲開盡好花人未知輪與狸奴得
春色牡丹香裏弄雙兒

和李與賢投贈之韻

雲海不教鵬怒飛，玉塔也合鳳來儀。如何天下李元禮，未遇人間鍾子期。夜誦子虛無路達，夢生春草只心知。願君更奏三千牘，金勝青衫染柳絲。

李與賢來訪自言所居幽勝甚似剡

溪因以似剡名其庵出閑居五詠因

次其韻

玉壺冰段露金莖未抵閑居五詠清休道曹詩成
七步不須三步已詩成
山似剡溪之似油人如詩句之如秋無邊春裏花

饒笑有底忙時草喚愁

溪上新橋是鳳林，殘風剩雨做秋陰。先生小試南風手，寫得一川山水音。

見說幽居繞萬松，栽梅能白杏能紅。人行剡曲溪山裏，家住輞川圖畫中。

漫浪江湖天一方，故人不見兩三霜。對床說盡平生話，黃葉聲中秋夜長。

寄題李與賢似剡庵

四明狂客一茅屋，初賜剡川繞一曲。安福詩人李與賢，大書似剡山扉前。我曾著脚勾踐國，奉詔昭

言集卷十四
陵者松柏是時八月欲半頭鏡湖不足人間秋
山影落水精闕荷花露滴波中月季真茅屋荒
蒼苔古木哀猿啼禹穴今君結屋河那邊足似
剡川若箇言找到剡川君未到似和不似然不
然君不見興公舊草天台賦元不曾識天台路
一俛仰間已再升何用瘦藤與芒屨

試蜀中梁杲桐煙墨書玉板紙

木犀煮泉漱寒齒殘滴更將添硯水子規鄉裏
桐花煙院花溪頭瓊葉紙先生太怯苦吟琢無
肝肺嘔無心芙蓉在左木犀右漫與七言真藉手
秋光

一點入骨清有筆如椽描不就先生不瘦教難瘦

蕙花初開五言

幽人非愛山出山將何之山居種蘭蕙歲寒久當
知初藝止百畝餘地惜奚爲先生無廣居千巖一
茅茨四面祇藝蕙中間纔置錐銳綠紛宿叢脩紫
擢幼枝孤幹八九花一花破初蕤西風澹無味微
度成香吹燈夢得幽馥月寫傳靜姿我欲掇芳英
和露充晨炊眷然惻不忍環翫自忘飢豈無衆花
草不願秋不遲種時亂不擇歲晚悔可追

木犀落盡有感

一歲秋香又一空落英顛顛怨西風開時占斷西
風曉豈念荷花脫病紅
姒娥收去廣寒秋太息花中無此流花品已高香
更絕却綠韻勝得清愁

秋蠅

秋蠅知我政哦詩得々綠眉復入髭欲打群飛還
歇去風光乞與幾多時乞去聲

白魚羹戲題

秋水寒魚白錦鱗薑花振實獻芳辛東坡玉糝真
窮相得似先生此味珍

松聲

哦詩口角恰微鳴喚得風從月脇生端爲先生醒
醉耳繞山搜出萬松聲

寄題邵武張漢傑運幹萬卷樓

書生都將命乞乞去聲書願身化作蠹書魚蠹魚生
得針來大堆筒曰啖銀鈎三萬箇書生一腹無十
圍經炊史酌不曾飢君家一編本黃石積書至今
與山齊玉川搜腸總一半鄴侯榭架端無羨如何
萬卷樓上人却去黃鶴樓前作賓贊

戲筆

野菊荒苔各鑄錢
金黃銅綠兩爭妍
天公支與窮詩客
只買清愁不買田

哦詩只道更無題
物々秋來總是詩
着意染鬚玄尚白
梳頭得虱素成緇

飯罷散策遇細雨

秋暄團扇尚堪攜
病脚朝來健似飛
偶到溪頭晴喚出
未窮山頂雨催歸

極知秋旱已難醫
所喜陰雲忽四垂
畢竟不成簷半滴
辛勤枉費雨千絲

重九日雨仍菊花未開用轆轤體

良辰巧與賞心違
四者能并自古稀
恰則今年重九日
也無黃菊兩三枝
閉門幸免吹烏帽
有酒何須望白衣
政坐滿城風雨句
平生不喜老潘詩

西齋睡起

小睡西齋聽雨涼
竹雞聲裏夢難長
開門山色都爭入
只放青蒼一冊方

讀陳蕃傳

仲舉高談亦壯哉
白頭狼狽只堪哀
枉教一室塵如積
天下何曾掃得來

銅雀硯

摸索陶泓不忍研阿臚故物尚依然浪傳銅雀簷
間瓦恐是金鳧海底甄

黃雀食新

鵝黃染線織秋衣楊柳吹綿細々披詩債被渠渾
索盡醉鄉邀我不容歸
侯門信口總稱珍只見陳人不見新三日荔投香
味變况開醬瓿拂蛛塵

夜寒獨覺

兒啼驚覺夢中身恰則華昏政問津脚到五更偏
作冷老來萬事不如人若無惓月誰相伴聽盡雞

聲不肯晨尚有布衾寒似鐵無衾似鐵始言貧

雨晴得毗陵故舊書

雀聲只喜曉晴新不管畦蔬雨未勻日與山光弄
秋色風將竹影掃窗塵多時浙右無消息忽有書
來問老人知我近來頭白盡寒暄語外更情親

憂患感歎

醉裏還多感醒來却更愁醉醒都不是愁感幾時
休

老去情懷已不勝愁邊定患更相仍宵中莫着傷
心事東處銷時西處生

霜曉

荒々瘦日作秋暉稍々微暄破曉霏只有江楓偏
得意夜按霜水染紅衣

寄題蕭邦懷少芳園

群鷺亂飛春晝長極目千里春草香幽人自莫蟹
眼湯茶甌影裏見山光欣然樂園聊步屐戲隨蜜
蜂與蝴蝶楊花糝逕白於雪桃花夾逕紅於櫻

慶長叔招飲一椀未醕雪聲璫然

即席走筆賦十詩

晚飲西鄰大阮家天風吹雪入簷牙呼僮淨掃青

苔地莫遣纖塵浣玉花

長廊盡處繞梅行過盡風聲得雪聲醉裏不愁飄
濕面自舒翠袖點瓊英

老子那知鬢脚凋忍寒拚命看珠跳却嫌地暖無
冰凍恰則飛來恰則銷

梅花得雪更清妍折入燈前細燃看下却珠簾教
到地橫枝太瘦不禁寒

雪政飛時梅政開倩人和雪折庭梅莫教顛脫梢
頭雪子萬輕々折取來

急雪穿簾繞蠟燈梅花微笑古銅瓶朔風惡劇驚

人殺吹倒琉璃六曲屏
南烹北果聚君家象箸冰盤物之佳只有蔗霜分
不得老夫自要嚼梅花
不是今宵雪不清只愁清殺老書生不知落得幾
多雪做盡北風無限聲
酒香端的似梅無小摘梅花浸酒壺莫遣南枝獨
醒着一杯聊勸雪肌膚
燕寧軒裏集羣仙薄官歸來又兩年梅影舞風之
舞雪勸人何苦怯金船

糟蟹六言

霜前不落第二糟餘也復無雙一腹金相玉質兩
螯明月秋江
別業拋離水國失身墮在糟丘莫笑草泥郭索策
勲作醉鄉侯

克信第坐上賦梅花二首

對酒初驚髮半華折梅還覺興殊佳如何屋角西
南月只照梢頭一兩花自是向來香寂寞不須更
道影橫斜北枝別有春無價和靖何曾覓得些
月波成露之成霜借與南枝作淡粧寒入玉衣燈
下薄春撩雪骨酒邊香却於老樹半枯處忽走一

稍如許長道是疎花不解語伴人醒醉人在
德遠叔坐上賦看核

糟蟹

橫行湖海浪生花糟粕招邀到酒家酥片滿盤疑
作玉金穰鎔腹未成沙

牛尾狸

瓊瑤風骨褐衣裳野果初紅玉露秋僧孺喚渠登
榜尾李狸只合隱山頭

蕓菜

齋曰文辭繁受辛子牙爲祖芥爲孫勸君莫謁獨

醒客只謁高陽社裏人

蜜金橘

風餐露飲橘洲仙曾次清於月樣園俠客偶遺金
彈子蜂王燕作菊花鈿

藕

荷衣芰製雪爲客家住雲煙太華峯外面看來真
璞玉胷中瑤出許玲瓏

人面子

喜時能笑醉能歌眉映青山眼映波舊日美如潘
騎省只今瘦似病維摩

糖霜

亦非崖蜜亦非錫青女吹霜凍作冰透骨清寒輕
著齒嚼成人迹板橋聲

銀杏

深灰淺火略相遭小苦微甘韻最高未必雞頭如
鴨脚不妨銀杏伴金桃

送談命曾南翔

官職牽人也可憐老來那更問行年渠儂解事無
它語道我慈親壽八十
今年見說也無錐政生談天泄密機舉世邇來憎

直語責人刺許未爲癡

題孫舜俞府判瑞石圖

廬陵治中孫昌言字舜俞居越之諸暨縣作
祭享之亭於龜浦雞冠山先龍圖之瑩得石
剖之中有文如松桂枝葉可數圖之以示士
大夫賦詩者甚衆來求予詩因爲賦之

雞冠山青龜浦碧松桂梢雲三萬尺何年星實化
爲石風吹木凝冰玉色仙人擘開光燭天山下人
家夜不眠松花桂子落如雪飛入石中堅似鐵石
中種樹人不知石中生樹人始奇君不見只今瑞

圖滿四海騷人詩卷牛腰大

過周波江

溪暖無冰可得銷清波白石小魚跳忽逢寸碧翩
然起翡翠驚飛上柳條

送談星辰許季升

許子儒冠忽誤身如今投筆說星辰未須道我何
時貴且道何時子脫貧

連珠合璧轉璇霄也被星家不見饒災曜元來怯
樽杓福星不是背箕瓢

紀羅楊二子游南嶺石人峯

吾弟廷朋與羅惠卿游石人峯幾
爲虎所得嘗爲予道其事因作長
句紀之

二子同游石人峯深行翠篠黃茅中初嫌微徑無
人蹤行到半嶺徑亦窮來時猶自聞雞犬且行且
行且語不覺遠上頭無梯下無岸前頭難攀後難
返黃茅翠篠深復深忽有笛聲出暗林草根一把
牛骨骸血點地驚人心二子相看面無色疾趨
山後空王宅野僧聞此叫絕天拊破禪床推倒壁
荒山豈有吹笛聲乃是卧虎鼻息鳴二子歸來向

儂說猶道茲游最清絕茲游清絕豈不佳二子性命如泥沙

題黃辰告愚齋

聖門如天不可撓諸子欲以智取之杏壇獨立無箇事只有回愚也大奇吾黨少辛子黃子問津陋巷參顏氏只今此事冷如漿來年八月槐花黃

寄題萬安縣劉元襲橫秀閣

玉簪成陣雪成堆秀氣橫空撥不開楚岫蒼寒五雲外巔江白馬九天來煙銷日出皆詩句月色波聲喚夢回早晚攜家過高閣寄詩聊當一枝梅

廷弼弟座上絕句

黃雀初肥入口銷玉醅新熟得春饒主人更恐香無味沉水龍涎作伴燒

十二月二十七日大雪中過吉水

小盤渡西歸

風卷寒江浪濕天斜吹亂雪忽平船碧琉璃上瓊花裏獨載詩人孟浩然
臘殘滕六不歸家白晝乘風撒玉沙旋種瓊田茁
瑤草更栽琪樹着銀花
雪吹醉面不知寒信脚千山與萬山天甃瓊街三

十里更飛柳絮與君者

山居雪後

春近能餘幾許寒雪花纔落便銷殘青松梢上蘭
根下猶得三朝兩日看一點紅塵未敢生松間雪
後政堪行日光半破風微度時作高林落果聲

嘉定元年春三月男

長孺

編定

端平元年夏五月門人羅

茂良

校正

誠齋集卷第十四 終

誠齋集卷第十五

廬陵楊

萬里

廷秀

詩

南海集

庚子正月五日曉過大阜渡

霧外江山看不真只憑雞犬認前村
渡船滿板霜如雪印我青鞋第一痕
危沙崩岸欲侵墻直下清江百尺強
過了筍輿元未覺忽然回首冷思量

曉霧

不知香霧濕人鬚
日照鬚端細有珠
政是春山眉樣翠
被渠淡粉作糊塗

送胡端明赴召

紫泥夜下月星暉
赤舄朝看袞繡歸
中國如今相司馬
四夷見說問非衣
金魚玉帶明霜鬢
斗極台符拱太微
衛武年齡子儀考
一身雙美古來稀

晚出郡城徃值夏謁胡端明泛舟夜歸

郡城至值夏兩日非
寬程奔走豈五願
詔書促南征出郭星未已
歸棹月已生
問人水深淺舟子喧
未應水石代之對
涼然落難聲危峰起夕蒼
暗潭

生夜清江轉風颯
至病肩難隱稜
添衣初嬾尋
忍寒良不能近城
一二里遠岸三四燈
望闕恐早閉
驅舟祇遲行
多情半環月久矣
將西傾欲落且小
留知我要入城
月細光未多大星
助之明至舍心
未穩麗譙才一更

之官五羊過太和縣
登快閣觀山谷石刻
賦兩絕句呈知縣李紳
公垂主簿趙蕃昌父

閣中陳迹故依然
欲問風流已百年
南岸一峯東一塔
自言曾試老詩仙

廬陵山水說西昌天遣金華印此邦詩本道他將
取去如何遺下一澄江

題龍乘臣遜志齋

龍子辛勤蔭紙田少年筆勢已翩々欲知聖處真
消息不是原夫一兩聯

二月一日曉渡太和江

綠楊接葉杏交花嫩水新生尚露沙過了春江偶
回首隔江一片好人家
曉翠妨人看遠山小風偏入客衣單桃花愛做春
寒信只恐桃花也自寒

二月初頭春向中花梢薄日柳梢風折花客子渾
無賴很藉須教滿路紅

晨炊黃宙鋪飯後山行

山行行得軟如綿急上籃輿睡霎間夢裡只聞人
喝道不知過盡數重山

宿灘頭海智寺

平生行路敢求安便要求安也大難古寺無門更
無壁若教半夜作春寒

明發海智寺遇雨

枉教一月費春風不及朝來細雨切草色染來藍

樣翠桃花洗得內般紅
可惜新年雨未多不妨剝與次天河農人皺得眉
頭破無水種秧君柰何

題太和主簿趙昌父思隱堂

西昌主簿如禪僧日餐秋菊嚼春冰西昌官曾支
竹陰過午未晨炊大兒叫怒小兒啼乃翁對竹方
哦詩詩人與竹一樣瘦詩句與竹一樣秀故山蒼
玉搖綠雲月梢風葉最閑身勸渠未要思旧隱且
與西昌作好春

萬安道中書事

玉峯雲剝逗斜明花徑泥乾得晚行細：一風寒
裡暖時：數點雨中晴
携家滿路踏春華兒女欣：不憶家騎吏也忘行
役苦一人人挿一枝花
挑花薄相點燕脂輪與梨花雪作肌只有垂楊不
脂粉縷金鋪翠襯腰支

萬安出郭早行

玉花小朶是山礬香殺行人只欲顛風掠水衣無
處去柳塘着在角頭邊

皇恐灘

兩山夾岸走蒼龍未放中間過玉虹只愛當頭一
峯好一峯外面更三峯

只愁江水去無還石打銀濤倒上灘道是此灘天
下惡古今放過幾樞竿

小煩溪友語陽侯好遣漂沙蓋石頭能費奔流多
少力前頭幸有一沙洲

過皂口

巖石三百里春流十八灘路從青壁絕船到半江
寒不是春光好誰供客子看猶須一尊渌併遣百
憂寬

宿皂口驛

倦投破驛歇征驂喜見山光政蔚藍不柰東風無
檢束亂吹花片點春衫

曉過皂口嶺

夜渡驚灘有底忙曉攀絕磴更禁當周遭碧嶂無
人跡圍入青天小冊方半世功名一雞肋平生道
路九羊腸何時上到梅花嶺北望螺峰半點蒼

道傍小桃

吹盡殘桃無可殘也無地上落花痕獨行尋到青
苔處拾得嫣紅一片看

晨炊皂徑

問路無多子驅車半日間行穿崖石古踏破蘚花
斑綠語鶯邊柳青眼水底山人家豈無地爭住小
溪灣

步過分水嶺

路險勞人殺儂須下轎行石從何代落巖傍旧根
生古樹無今態幽泉有晴聲只言章貢近猶自兩
三程

憩分水嶺望鄉

嶺頭泉眼一涓流南入虔州北吉州只隔中間些

羊地水聲滴作兩鄉愁

嶺北泉流分外忙一聲一滴斷人腸浪愁出却廬
陵界未入梅山總故鄉

桂源鋪

萬山不許一溪奔攔得溪聲日夜喧到得前頭山
脚盡堂溪水

社日南康道中

東風試暖却成寒春恰平分又欲殘淡著煙雲輕
著雨近遮草樹遠遮山人行柳色花光裡天接江
西嶺北間管領社公頂竹葉在家在外匹如閑

小溪至新田

人煙慙慙不成村
溪水微茫劣半分流到前灘
忙似箭不容雨點稍成紋
只愛孤峯惹寸雲
忽驚頭上兩翻盆
北來南去緣何事
路上君看履子痕
脫雲解事忽離披
放出千峯特地奇
欲揀一峯誰子是
總如筆未退尖時
懊惱春光欲斷腸
來時長緩去時忙
落紅滿路無人惜
踏作花泥透脚香

二月十九日度大庾嶺題雲封寺

梅山未到未教休
到得梅山始欲愁
知道望鄉看不見也須一步一回頭
小立峯頭望故鄉
故鄉不見只蒼蒼
客心恨殺雲遮却不道無雲即斷腸
梅葉成陰梅子肥
梅花應恨我來遲
明年若寄江西信
莫折南枝折北枝
行者南來今幾春
一回舉似一回新
鉢盂奪得知何用不怕梅花解笑人

題南雄驛外計堂

携家度嶺夜乘槎
小泊凌江水北涯
二月山城無

一試
某把一年春事又揚花
舉頭海國星辰近
回顧梅山草樹遮
客子相逢間好語
看山只欠到南華

二月二十三日南雄解舟

昨夜新雷九地鳴
今朝春漲一篙清
順流更借江風便
此去韶州只兩程
水沒蒲牙尚有梢
風吹屋角半無茅
急灘未到先聞浪
枯樹遙看只見巢

舟過黃田謁龍母護應廟

遠山相別忽相尋
水到黃田漸欲深
見說前頭山更好
且留好句未須吟

南廓名酒有殘樽
急喚荷杯作好春
紫幕能排北風冷
夕陽偏惜半船溫

舟過謝潭

風頭統北忽成南
轉眼黃田到謝潭
髣髴一峯船外影
褰帷急看紫巖巖

夾江百里沒人家
最苦江流曲更斜
巖草已青今歲葉
岸蘆猶白去年花

碧酒時傾一兩盃
船門統閉又還開
好山萬皺無人見
都被斜陽拈出來

明發階口岸下

破曉篙師報放船今朝不似昨朝寒夢中草衣披
衣起愛看輕舟下急灘

過鄭步

漸有人家松桂叢韶州山水勝南雄未須青惜峯
巒過過了諸峯得好峯

過鼓鳴林小兩

浙湖船篷兩點聲疎江面殼紋生石峯斗起三
千丈身在假山園裡行
下瀧小舫戴尖篷未論千峯與萬峯只是舟人頭
上笠也堪收入畫圖中

明發韶州過赤水渴尾灘

石山七峯皆尖秀而一峯最高

船下驚灘浪政喧花汀水退走沙痕一峯忽自雲
端出只見孤尖不見根

三月一日過摩舍那灘阻雨泊清溪鎮

一聲霹靂霽光收急泊荒茅野渡頭摩舍那灘衝
石過曼陀羅影漾江流山繞入眼雲遮斷船欲追
程雨見留夜宿清溪望清遠舉頭不見隔英州
過盡危灘百不堪忽驚絕壁翠峴倒垂不死千
年樹下拂奔流萬丈潭隔岸數峯如筆格倚天一
色染春藍真陽此去無多子到日應逢三月三

小泊英州

人人藤葉鷓鴣柳戶戶茅檐覆土床只有春風不
寒乞隔溪吹度袖花香
數家草草劣無多跣水飛鳶也不過道是荒城斗
來大向來此地著東坡

過真陽峽

玉削雙崖一水通 重一掩更重重平生山水看
多少最愛真陽第二峯 石山四峯北來
第二峯絕奇
莫道無人逕亦窮尚餘碧篠伴青楓白雲不是從
天降坐看生從翠崦中

仰見青天尺許青無波江水不勝平只鷺白畫山
竹裂杜宇初聞第一聲

堪笑跳波數百灘如何入峽頓無喧人言此峽如
巴峽只欠三聲隨浚猿

榕樹陰中一葦橫鷓鴣聲裡數峯青南人到此亦
腸斷不是南人作麼生

百灘千港幾濤波聚入真陽也未多若遣峽山生
塞了不知江水倒流麼

晨炊光口砦

泊船光口薦晨炊野飯匆不整齊新摘袖花熏

熟水旋撈蒿苳沍生莖儘教坡老食無肉未害山
公醉似泥過了真陽到清遠好山自足樂人飢

出峽

朝來入峽悶船遲也有欣然出峽時山色亦如人
送客行倦了自應歸

船行儘緩底湏忙詩卷聊堪度日長瓶裡抽花偷
觸鼻忽然將謂是燒香

過沙頭

非煙非雨淡濛濛深閉牕扉護脫風船外山光簾
裡翠岸頭花影鏡中紅

過了沙頭漸有村地平江闊氣清溫暗潮已到無
人會只有篙師識水痕

昨來飛榜下危瀧不敢窺窻只閉窻莫歎江平船
不進只將行役當遊江

題清遠峽峽山寺

只道真陽天下稀不知清遠亦幽奇攀崖下照龍
湫水細詠東坡老子詩

見說岩中雪色猿嘯聲時出翠微間不看新月初
三夜却覓當時舊玉環

船中蔬飯

食蕨食臂莫食拳食笋食梢莫食根何曾萬錢方
下筋先生把菜亦飽去嶺南風物似江南笋如束
薪蕨作籃先生食籍知幾卷千岩萬岳皆厨傳

過胥口鎮

梳柳葉垂翠羽鮮木綿花暖紫霞翻疾雷急雨急
關霽淡白雲拂濃清山

清明日欲宿石門未到而風雨大作泊靈

星小每

風雨來從海外天靈星海裡泊樓船坐吟苦句斟
愁酒也是清明過一年

峽山前夕石間行泊得船時破膽驚驚到今宵已
無膽聽風聽浪到天明

石門欲到更無疑隔海風濤未可期到得石門非
不好只愁未到石門時

一生行路竟如何樂事還稀苦事多知是風波欺
客子不知客子犯風波

波濤端不為君休風雨何曾管客愁自古詩人磨
不倒一樽大笑謝陽侯

石門未到未為遲小泊靈星也自奇此去五羊三
十里明朝還有到城時

五羊官舍春盡晚步西園荷橋

波底金鴉奪眼明，脚根蟬竦界天橫。
瘦藤欲度還休去，試數荷錢幾箇生。

讀天寶事

日晚無煙起御厨，野人豆飯未嫌麤。
問知雲子炊香日，政是梨花帶雨初。

西園晚步

龍眼初如菘豆肥，荔枝已似佛螺兒。
南荒北客難將息，最是殘春首夏時。

為愛荷池日日来，一來一度眼雙開。
盡船不曉風

相戲猛觸花堤得，倒回

三月晦日游越王臺

榕樹梢頭訪古臺，下看碧海一瓊杯。
越王歌舞春風處，今日春風獨自來。

越王臺上落花春，一掬山光兩袖塵。
隨分杯盤隨處醉，自憐不及踏青人。

四月八日嘗新茄子

一點臙脂染蒂旁，忽然紅遍綠衣裳。
紫瓊骨酪丁香瘦，白雪肌膚午暑涼。
掌上冰丸那忍觸，樽前風味獨難忘。
老饕要啖三百顆，却怕甘寒凍斷腸。

夏日書事

一字看成兩霜鬚摘轉多既無書冊分奈此日長
何荔子紅初皺春醅碧欲波醉來愁自去不去亦
從他

四月中休月間蟬

荔枝乘底暑陰清已有新蟬一兩聲荷露柳風餐
未飽怪來學語不分明

觀書

客從遠方至遺我書一編覽舊眼全痛誦新神頓
還初披愁欲盡久翫翳不妍情知無住處閱免復

竟篇庶幾摘滓中或溼腴一消終然寂無獲所獲
倦且昏倦甚得佳睡猶勝不得眠

得壽仁壽俊二子中塗家書

二子別我歸兼旬無消息客有饋荔枝盈籃風露
色絳羅威足寶髻永彈濺柘液老夫非不餽忍餽不
忍喫急呼兩健步為我致渠側默數川陸程幾日
當返役惟愁香味壞色變那敢情十日兩騎還千
里一紙墨把書五行下廢書雙淚滴不如未到時
當喜翻不憚

子壯稚覺幼子學稚覺逢二子忽頗然語離又作

悲今年來官下二子暫我隨懸知住不久且復相
從嬉鶴書自天降槐花呼汝婦伯也恐我愁願留
不忍辭仲也慘不釋飛鳴思及時豈有鳳將雛
長禁其飛火焉遣還家一笑更不疑傍人怪無淚
淚入肝與脾

我昔如汝長壯志在四方集賢給筆札秉燭促夜
裝平明出門去振衣不傍徨先君泣然泣感我令我
傷先君顧我語汝行勿斷腸他日汝養子此悲會
身當老懷追陳迹心折涕泗滂

繡破篋得張欽夫唱和詩

年年不是不吟詩吟得詩成寄阿誰留取朱絃不
須斷只惜瑤匣鎖蛛絲

休日

休日稀公事炎天廢故書未須搔白首留取試新
梳不是平生嬾何緣作計踈閑携小兒女橋上看
芙蓉

宴客夜歸六言

月在荔支梢上人行抹利花間但覺胸吞碧海不
知身落南蠻

端午後頓熱

只今新暑已歛然作廢禁當六月天飛上風前最
涼處年、輸與柳梢蟬

夏至後初暑登連天觀

登臺長早下臺遲移遍胡林無處移不是清涼罷
揮扇自緣手倦歇此時

六月九日曉登連天觀

小立層臺岸幅巾除鷓鴣作伴更無人曉風草、君
知麼不爲高荷惜水銀

七夕新涼

商量秋思是寒蟬消息荷花得早涼五嶺從來說

炎熱朝來已怯葛衣裳

嘉定元年春三月男

長孺

編正

端平元年夏五月門人羅

茂良

校正

誠齋集卷第十五

終

誠齋集卷第十六

詩

南海集

雨霽登通天觀

高臺十日不曾登
雨後椿藤挂晚晴
城外諸峯迎
落照松根細草
總斜明
眼穿嶺北書不到
秋入海
南愁頗生
只有荷花舊相識
風前翠蓋為人傾

秋夕雨餘

虛堂無人
獨自行
畫檐兩歇
殘點聲
朝來餘暑忽

然過昨來初暑誰能那一生畏暑如於菟老年畏
暑菟不如人言嶺南分外熱匹似江南猶可說今
年六月兩如秋只今七月當更愁短檠幸未卧墻
角喚取渠來相博約老眼那能舒簡編只要玉蟲
伴杯酌

游蒲澗呈周師蒸漕張舶

勝日從公蒲澗游萬岳聲滿千崖秋一逕如蛇三
百曲繞盡山腹到山頭穹岩千仞欲欲裂仰看飛
泉瀉雲窟錯成環佩奏成琴濺作珠璣霏作雪步
穿危磴攀蒼藤忽上穹岩頂上行人在半天泉在

井不敢下瞰惟聞聲只惟前驅深不見須臾却向
前山轉海風吹袖萬丈長海水去人一弓遠老僧
雲卧晏未興先遣長松來道迎小參古殿黃面老
不見舊日安期生景泰上方半堵壁城中望文雪
山白却從景泰望城中曉日樓臺煥金碧君不見
中流千金博一壺不如游山飢時粥一盂金印繫
肘大如斗不如游山倦時一杯酒安期飛昇今幾
年祖龍不是不來仙至今年年七月二十五傾城
游人來訪古

得壽仁壽後二子書皆以病不及就試且

報來期

二子何時到三秋歆畫頭收渠半張紙洗我一年
愁不得毛錐力元非子墨羞海山寒更碧整駕待
同游

滿望鵬飛上誰令馬不前草玄真浪苦曳白亦無
緣兄弟年二十塵埃路四千速來飲官酒不用一
銅錢

送蔡定夫赴湖南提刑

菊後霜前換繡衣湘南嶺北看梅枝還將方策汗
青語拈出圓扉草綠時四海幾人憐我老三年兩

作送君詩借令貴殺衡陽紙半幅無妨慰夢思
方丈蓬萊第一人星軺玉節正青春只今回鴈峯
頭客曾觸神龍領下鱗未遣五紋朝補袞便應三
字夜司綸湘江綠淨不可唾却要珠璣歎唾新

和石湖居士范至能與周子充夜游石湖
松江詩韻

石湖醉眼小太空烏紗白紵雙鬢蓬翰林來從昭
回上滿袖天香山水中青山半邊日欲沒珠宮湧
出初圓月兩仙一棹軟琉璃碎撼廣寒桂花雪中
流浪作凜不回兩手播灑千銀堆不知浩浩洪流

後曾有茲游奇特來古人今人煙一抹誰煎鱗角
續弦絕一生句裡萬斛愁只白秋來千丈髮

遣騎問訊范明州參政報章寄二絕句和

韻謝之

南海人從東海歸新詩到日恰梅時
撚梅細比新詩看未必梅花瘦似詩

一別姑蘇江上臺綠波碧草恨悠悠
忽然兩袖珠璣滿割取三吳風月來

至日薄寒

舊傳冬不到南中今歲南中稍稍冬
曦幕暖吹紅

皺起霜橋冷步縞聲鬆裁縫苦思詩
千首排遣清愁酒一鍾不是梅花開
獨早似憐北客老相逢

晚登連天觀望越臺山

暮山如淡黛如濃煙拂山前一兩重
山背更將霞萬疋生紅錦障裹青峯

近臘暄甚

霜日知春有信歸臘前偷暖漏春暉
北風也翦寒梢兼吹作鴉黃亂蝶飛

西園早梅

已刻酥花趁臘前更團蠟糝等春妍
不知天巧能

多少一朵梅花占兩年
小朵生來便瘦斜葉宮桂殿即渠家只言瘴雨無
南雪為底橫橫枝雪

病中夜坐

月流銀漢小徘徊似戀空庭獨樹梅玉漏聽來更
二點燭花翦了暈重開病身不飲看人醉乾雪無
端上鬢來後日老衰知健否只今六九已摧隕

辛丑正月二十五日游蒲澗晚歸

桃李深酣日池塘淺試春霽暉搖遠水新暖軟游
人生酒清無色青梅脆有仁煙鍾能底急催我入

城闕

二月一日兩寒

南方氣候北方殊春裡清寒臘裡無兩人竹林渾
不見只來葉尾作真珠

補畫窓檣閉盡門茶甌火閣對鑪熏中庭淺水休
教掃政要留看兩點紋

梳頭正美睡相催理盡霜絲夢恰回窓隙小風能
幾許也吹蛛網去還來

姚黃魏紫向誰賒郁李櫻桃也沒些却是南中春
色別滿城都是木綿花

只見春晴道是晴不知半夜嫩寒生疾風吹落林
間兩細雨還成大兩聲

謝福建茶使吳德華送東坡新集

黃金白璧明月珠清歌妙舞傾城姝他家都有儂
家無却有四壁環相如此外更有一床書不堪自
飽蠹魚故人遠送東坡集舊書避席皆讓渠兒時作
劇百不嬾說著讀書偏起晚乃翁作惡嗔兒癡強
遣飢腸餽蠹簡老來萬事落人後浪取故書遮病
眼病眼逢書輒著花筆下蠅頭成老鴉病眼將奈
故書何故書一闕一長嗟東坡文集儂亦有未及

終篇已停手印墨模糊紙不佳亦非魚網非科斗
富沙棗木新彫文傳刻踈瘦不失真紙如雪繭出
玉盆字如霜鴈點秋雲老來兩眼如隔霧逢柳逢
花不曾覩只逢書冊佳且新把翫崇朝那肯去東
坡癡絕過於儂不將一褐易三公只將筆頭拄月
脇萬古凡焉不足空故憐我老愈拙不寄金丹扶
病骨却寄此書來惱人挑落書燈搔白髮

新晴西園散步

久雨令人不出門新晴喚我到西園要知春事深
和淺試看青梅大幾分

大音情

池水初生蓋玉沙兩餘碧草卧堤斜日搖波影纏
橋柱繡出藥枝遍地花

紅兩斑竹外蹊蹊黃金嫋嫋水邊絲舉頭揀遍低
陰處帶葉青梅摘一枝

厭見山居要出來出來厭了却思回人生畢竟如
何是且看桃花晚 關

連天觀望春憶毘陵翟園

中和節後社前時春到園林最晚枝弄水不水攜
扇手登臺猶粟向風肌鳥鳥聲裡山光濕花柳陰
中日脚遲北望翟園春正闌海棠錦繞雪茶蘼

二月將半寒暄不常

南中冷暖互難齊一日之間具四時脫了又添添
又脫寒衣暑服鎮相隨

二月十三日謁西廟早起

起來洗面更焚香粥罷東窗未肯光古語舊傳春
夜短漏聲新覺五更長近來事事都無味老去波
波有底忙還憶山居桃李曉醪醑為枕睡為鄉

寄題蕭園賢佚我堂

軟紅塵裡幾時休重碧杯中且拍浮坐看癡兒夸
絕足可憐到老不回頭幅巾藜杖聊三徑明月清

風自一丘我亦年來厭奔走夢騎野鶴訪沙鷗

題柳樹

化工到得巧窮時東補西移也大奇君看梳柳一窠子竹身杏葉海棕枝

春晴懷故園海棠

故園今日海棠開夢入江西錦繡堆萬物皆春人獨老一年過社燕方回似青如白天濃淡欲隨還飛絮往來無那風光餐不得遣詩招入翠瓊杯竹邊臺榭水邊亭不要人隨只獨行乍暖柳條無氣力淡晴花影不分明一番過雨來幽徑無數新

會有喜聲只欠翠紗紅映肉兩年寒食負先生

去

年正月離家之官蓋兩年不見海棠矣

初食笋蕨

庖鳳烹龍世浪傳猩脣熊掌我無緣只逢笋蕨盃盤日便是山林富貴天禪子王膚新脫錦小兒紫臂未開拳只嫌嶺外無珍饌一味春蔬不直錢

上巳前一日欲雨復晴

去年上巳政南來明日初三忽又催兩屣雲頭渾欲落風翻日脚急吹開莫因嶺外無花卉便對春光廢酒盃只揀茂林脩竹處蘭亭禊事足追回

寒食對酒

荔支園園花寒食日日兩先生老多病頗已踈綠
醅兒童喜時節笑語治樽俎南烹俱前陳北果亦
草具蝻蟬方絕甘箏箴未作苦先生欲獨醒兒意
難多拒初心且一杯三杯亦漫許醒時本強飲醉
後忽快舉一杯至三杯一二三四五偶然問兒輩
卒爵是何處兒言翁但醉已忘酒巡數

三月晦日閑步西園

嶺南春去儘從伊元自無花可得飛只有草花偏
稱意強留蝴蝶不教歸

閏三月二日發船廣州來歸亭下之官憲

臺

諸人政坐愛閑游天遣南游天盡頭到得廣州天
盡處方教回首向韶州

曉過石門回望淨慧塔

昨晚匆匆解畫船石門未到已黃昏鼓動淨慧煙
中塔送我今朝過石門

舟行得風晚至靈洲

春盡儂隨去江行興未窮時煩數點雨輕洒一孤
篷岸樹蒼茫外人家點綴中海神能餞我借與半

帆風

明發青塘蘆包

青塘無店亦無人，只有青蛙紫蚓聲。
蘆荻葉深蒲葉淺，荔支花暗練花明。
舩行兩岸山都動，水入諸村海旋成。
回望越臺煙兩外，萬峯盡處五羊城。

過昏口江水大漲舟楫不進

北江西水兩相逢，昏口波濤特地雄。
萬事向儂水與炭，一生行役兩和風。
急流欲上人聲鬧，近岸還移牽去聲路窮。
河伯喜歡儂苦惱，併將恩怨惱天公。

岸沙

水嫌岸窄要衝開，細蕩沙痕似剪裁。
蕩去蕩來元不覺，忽然一片岸沙摧。

遣悶

江樹深春色，村雞薄晚聲。
雨添青笠重，人減畫船輕。
遣悶惟須睡，哦詩只強成。
獨判連月兩，却惜半朝晴。

曉發黃巢磯芭蕉林中

清遠山前煙兩濛，黃巢磯畔水連空。
旋芟蘆荻炊朝飯，更斫芭蕉補漏篷。

水落

桑槩垂紅似荔支
荻芽如臂與人齊
夜來水落知深淺
看取芭蕉五尺泥

輕寒瑟瑟入船中
閉却船門下却篷
要得新晴江水落
不應更恨打頭風

蟹戶

天公分付水生涯
從小教他蹈浪花
莫蟹當糧那識米
緝蕉為布不須紗
夜來春漲吞沙嘴
急遣兒童斫荻芽
自笑平生老行路
銀山堆裡正浮家

回望黃巢磯之險心悸久之

夜雲到曉不教收
初日微明又却休
兩為岸花

洗面水撩江草只搖頭
千篙百棹力都竭
十里九磯船正愁
若到峽中應更險
却思峽外是安流

入峽歌

峽山未到日日愁
峽山已到愁却休
不是朝來愁便散
愁殺人來山不管
昨宵遠望最高尖
今朝近看雲隔簾
樓船衝雨過山下
兩扇屏風生色畫
江神不遣客心驚
雲去雲來遮巖扃
忽然褰雲露山脚
仰見千丈翠玉削
篙師相賀漲痕落
今夕可到鴉磯泊

峽山寺竹枝詞

峽裡撐船更不行
擢卽相語改行程
却從西岸拋東岸
依舊船頭不

一水雙崖千萬縈
有天無地只心驚
無人打殺杜鵑子
兩外飛來頭上聲

龜魚到此總回頭
不但龜魚蟹亦愁
底事詩人輕老命
犯灘衝石去韶州

一灘過了一灘奔
一石橫來一石蹲
若怨古來天設險
峽山不到也由君

天齊浪自說活溪
峽與天齊真箇齊
未必峽山高爾許
看來只恐是天低

峽中得風掛帆

撐船上水不寸步
兩山慘慘愁將暮
一聲霹靂天欲雨
隔江草樹忽起舞
風從海南天外來
怒吹峽山倒開百夫絕
叫推大鼓一夫飛
上千尺挽布帆掛了
却袖手坐看水上鵝毛走

夜泊鳴磯

峽中盡日没人煙
船泊鳴磯也有村
已被子規酸骨死
今宵第一莫鳴猿

過顯濟廟前石磯竹枝詞

石磯作意惱舟人
東起波濤遣怒奔
撐折萬篙渾

不枉石磯贏得萬餘痕
大磯愁似小磯愁
篙稍寬時船即流
撐得篙頭都是血
一磯又復在前頭

泊光口

風平浪靜不生紋
水面渾如鏡面新
忽有晴流江底出
袞翻水面作車輪

過虎頭磯

虎卧中流扼兩涯
目光鬚怒首仍回
真陽峽袖君須記
箇是瞿塘灩澦堆

真陽峽

清遠雖佳未足觀
真陽佳絕冠南蠻
一泉巔背懸崖出
亂灑江邊怪石間
來片對排雙玉筍
此峯外面萬青山
險艱去處多奇觀
自古何人愛險艱

夜泊英州

旅病情先惡
愁眠夢更驚
大須終夕吠
月到五更明
未解波頭意
偏來枕底聲
平生厭行路
投老正追程

阻風鍾家村觀岸傍物花

水蟲統出綠波來
細看爬沙上石崖
化作蜻蜒忽飛去
幾時飛去却飛回

殼如蟬蛻濕仍新那復浮嬉浪底春却把今身飛
照水不知石上是前身

題鍾家村石崖

莫愛懸崖萬丈高只工險峭作風濤看來一一生
窠眼解與行人看過篙
水與高崖有底寬相逢不得鎮相喧若教漁父頭
無笠只着蓑衣便是猿

阻風泊鍾家村離英州已三日纔行二十
里

南游端為看山來過眼匆匆首屢回不是阻風船

不進何緣看盡萬崔嵬

滿船兒女厭江行我愛江行怕入城慙愧風師放
款曲為分一舍作三程

峭壁呀々虎擘口惡灘洶洶雷出吼沂流更著打
頭風如撐鐵船上牛斗風伯勸爾一盃酒何須惡
劇驚詩叟端能為我霽威否岸柳掉頭荻搖手

嶺雲

好山幸自綠嶺嶺須把輕雲護淺嵐天女似憐山
骨瘦為縫霧縠作春衫

病中止酒

葛衣着了却生寒風勢顛時正上灘客裡無聊已
無奈更教止酒過春殘

江草江花怨阿誰山風山雨總成悲
春愁萬斛無安頓旋旋分張乞小詩

明發陳公徑過摩舍那灘石峯下

遙松煙未銷近竹露猶滴石峯矜孤銳喜以江自
隔清潭涵曦紫碧岫過雲白回瞻宿處堤路轉不
可覓

地迴人絕影山僻虎留跡下有無底潭上有欲落

石是間一逕橫來以萬松直樹從何時有陳公所
手植陳公今焉在迳松自寒碧

昨宵望石峯相去無一尺今日行終朝祇遠石峯
側石峯何曾遠江路自不直仰瞻碧孱顏清峻如
立壁反覆得細看何必更登陟

後顧江已遠前睨山若寒棹進岸自回天水未有
極簾攸入絕巘舟愕觸潛石東瞰澹未熹北吹寒
更寂岸草不知愁向人弄晴碧

澄潭湧晴暈不風自成花回流如倦客出門復還
家江晴已數日新漲沒舊沙知是前溪兩濕雲尚

橫斜

山轉江亦轉江行山亦行風鬟照玉鏡素練縈青
屏我本山水客澹無軒冕情塵中悔一來事外懷
孤征忽乘滄浪舟仰高俯深清餐翠腹可飽飲淥
身頓輕鷓鴣不相識還作故園聲

危峯瑩無土平地岌孤石如何半巖間亦有小樹
碧走空根苦辛倚險幹寒瘠芳蘭間叢生紫蕤濯
幽色近香許世間遠秀絕人摘而我雲外身方茲
喟行役

城中安得山無山安得詩我入五羊城遂與山水

辭有鏡不敢覽塵面我自知解維來歸亭山水柰
相隨水光動我巾山色染我衣舟行將一月恨速
不恨遲山雲來未已江月皎無滓手開懷放之入
出語頗似之

我從靈洲來惟見芳草渡蒹葭隨水遠曠野無立
樹掛席上真陽好山忽無數好山如隱士避世不
自露不應官道傍乃有見山處借識衛叔玠未覩
樂彥輔石峯難再得舟過更回顧

南中山絕佳所恨人煙稀畧無好事人結茅臨深
溪峯頂可月亭岸石即釣磯空令煙中依掛崖弄

連漪山多人自少人遠山益奇我舟行不留過眼
山如馳過眼意已足久留亦何為

遠峯

孤巖秀何似碧蓮含未開誰將脩月斧剗取一火
來

江上松徑

一日江行百折中回頭猶見夜來峯好山十里都
如畫更與橫排一徑松

上濛裏灘

清江斜抱巖根來暗石衝波却倒回幸自瑠璃青

一片落灘碎作雪花堆

回望摩舍那灘石峯

好山近看未為奇遠看全勝近看時回望七峯雲
外筍兩峯高絕五峯低

明發白沙灘聞布穀有感

提壺勸我飲杜鵑勸我歸不如布穀子勸我勤耘
耔我少貧且賤不但無置錐筆耒墾紙田黑水導
墨池借令字堪莫識字亦幾希啼飢如不聞飢慣
自不啼駿奔三十年辛勤竟何為髮從道塗白面
為風雪鰲夜來白沙灘老命輕如絲洪濤舞一葉

呼天叫神祇生全乃偶然人力初何施曉聞布穀
聲如在故山時坐令萬感集初悟半世非一險靡
不悔數悔庸何追有田不歸耕布穀真吾師

寄賀建康留守范參政端明

袞衣不是未教歸不合威名滿四夷天與中興開
日月帝分萬乘半旌旗春生錦繡山河早秋到江
淮草木逢卧護北門暮月爾却專堂印鳳凰池
一生狂殺老猶狂只炷先生一瓣香不為渠儂在
廊廟無端符相更文章江南海北三千里玉唾銀
鈎十萬行早整乾坤早巖壑石湖風月剩分張

荔枝堂畫懋

荔子陰中風絕涼萑蒲節後日偏長落殘數柄荷
花蘂浸得一瓶泉水香多病早衰非破硯欲行復
倦且胡床曲江近北差遲暑不道江山勝五羊

風雨

殘風剩雨故欺人垂箔關牕護病身自拾荷花楷
面汗新將筍箠製頭巾梅天筆墨都生醜棐几文
書嬾拂塵帽子一峯青可撥隔牆不敢略開門

謝從善挽詞

一腹儲三篋雙鈎挽萬牛行身平中準闕世澹於

秋紫誥猶新墨霜髯忽古丘清風未作記挂劍淩
川流

送彭元忠縣丞北歸

君從循州來却向饒州去拍天海浪拂日峯瓊尺
裁成錦機句學詩初學陳後山霜皮脫盡山骨寒
近來別具一雙明要蹈唐人最上關三春弱柳三
秋月半溪清水半峯雪只今六月無此物君能喚
渠來入筆恰則新鶯百轉聲忽有寒蛩終夜鳴瀟
湘故人江漢客為君一夜頭盡白我欠天公詩債
多霜髭撚盡未償他君懷玉槃金叵羅合騎天駟

起天河如何也鑄一大錯自古詩人多命薄黃茅
起煙如黃沙瘴毋照永曼陀花廣東之游樂復樂
勸君不如早還家

行部決獄宿新隆寺觀鄒至完題壁

道鄉千古一清風雪壁銀鈎墨尚濃若愛殿前蒼
玉佩斷無身後碧紗籠

題望韶亭

新隆寺後看韶石三三兩兩畧依稀金坑違頭看
韶石十五五不整齊一來望韶亭上看九韶八
音堆一案金鍾大鑪浮水涯王瑟瑤琴倚天半堯

時文物也麓踈禮樂猶帶鴻荒餘茅茨殿上植土
鼓葦籥聲外無笙竽黃能卽君走川嶽領取后夔
搜禮樂嶧山桐樹半夜鳴泗水石頭清畫躍山祇
川后爭獻珍姚家制作初一新帝思南嶽來時巡
宮琛廟寶皆駿奔曲江清澈碧瓊軟海山孤火翠
屏展天顏有喜后夔知一奏雲韶供亞飯帝登九
疑忘却歸不知斑盡湘笛枝后夔一脛跛莫隨坐
委衆樂江之湄儀鳳舞獸掃無跡獨留一後守其
側至今喚作獅子石兩淋日炙爛不得洞庭張樂
已莓苔穢爲獲磬亦塵埃不如九韶故無恙屢擊

尚可冬起雷何時九秋霜月裡來聽湘妃瑟聲美
曲終道是不見人江上數峯是誰子

憩楹塘驛

夾路黃茅與樹齊人行茅裡似山雞長松不與遮
西日却送清陰過隔溪

松鳴竹嘯響千崖爲底炎蒸吹不開自是箏輿趁
北去薰風不是不南來

官

翠旌綠纛夾車輪龍作長身鉄作鱗莫笑道傍數
松樹古來老却幾官人

第 35363 号

平成 3.11.22

聖和學	928
園短大	七
圖書館	4

誠齋集卷第十六 終

嘉定元年春三月男 長孺
 端平元年夏五月門人 茂良

編定
 校正

號	4346	藥
SS	11.8	品年
		平味聖
		大藥國
		款書國

